



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : ST. CATHARINE'S SCHOOL FOR GIRLS

**学校名称** : 圣杰灵女子中学

**Name of Play 剧名** : 最好的，错过了

**Script writer 剧作者** : 吕咏琳同学、苏卓怡同学

**Synopsis 故事大纲 :**

最值得珍视的是什么？

最好的机会？最好的工作？还是你身边最好的那个人？

人，往往是错过了那「最好的」才懂得珍惜。

念晴认为赚钱给母亲便是孝顺她，却因日以继夜工作而忽略照顾母亲及放弃与她相处的时光。

可是，对念晴妈妈来说，钱非万能，那她真正想要的是什么？当念晴恍然大悟时，又发生了什么事？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 序

场景：家

人物：念晴妈、念晴（小时候）

（妈在家，正哼歌、折衫）

妈：（望住啲衫呈满意状）靚晒！咁夜啦喎，仲未返既...（念晴拿着自家制毛巾蛋糕鬼鬼祟祟入）

晴：（哼着分分钟需要你出）lalalalalala....（拿出蛋糕送给妈妈）妈咪母亲节快乐

妈：（甜笑并跟着哼）咁乖既！系咪又做错啲咩事！（扮跔、作打人的模样）

晴：（委屈）咩啊！我不跔都乖架啦！（突然醒起）丫！等阵！加埋呢个落去，咁就完美喇！（插蜡烛落个假蛋糕度，满意状）

妈：我又唔系生日做咩要插埋蜡烛啊？

晴：因为有蛋糕就要有蜡烛嘍！

妈：呢个明明就系开心乐园餐嘅玩具，想吓我呀？

晴：唔系嘍，佢系真㗎！你快啲许咗愿、吹咗蜡烛先啦！

妈：点吹啊？都有火！

晴：（天真）你幻想下啦！你谗下就有㗎喇！

妈：（没好气）好喇好喇！（合眼、许愿、吹蜡烛）

晴：（迫不及待）妈咪！妈咪！你许咗咩愿啊？

妈：嗯...妈咪最希望你听教听话、唔好成日驳嘴啦...

晴：（发小脾气）咩啊！我边有成日驳你嘴！哼！

妈：好喇好喇，其实妈咪最大嘅心愿系希望你日日都过得开心，就算妈咪老左都可以陪住你。

（望到念晴条领又掙左入件衫入面）仲有最重要嘅一样，唔好咁呢啡，你睇下你，条领又反左入去喇（帮女反翻出来）



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

晴：（望一望）嘻嘻唔该妈咪！呢啲心愿咪咁易成真，妈咪都唔会老既，你系念晴最中意嘅妈咪  
嚟㗎嘛，我要永远都同妈咪一齐……

妈：知你乖喇。

（母女相拥）

（灯 暗）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一场**

场景：家

人物：念晴妈、念晴

（妈在帮晴执屋）

（妈需不时做不适动作，如抚摸胸口、脚软欲倒等）

晴：（无精打采）我返黎啦。

妈：（和颜悦色）返黎喇？今日做嘢做成点啊？

晴：（敷衍）都系咁啦。

妈：（边打扫边讲）你做野咁忙，成日食外卖，实无啖好食架喇，妈咪今晚煮左你最钟意食既红烧排骨呀，我呀，琴日一早就叫街市阿排骨荣帮我留啲靚排骨，佢话……

晴：（雀跃、讲电话）系咩？咁好架咩？咁我以后多啲黎！

妈：（大喜）系咪架？

晴：（继续讲电话）可以呀，反正我呢排唔算太忙……

妈：哎呀，咁我要同陈师奶讲听日唔饮茶喇！（停手不打扫，思考状）唔……一于煲合桃牛蒡莲子排骨汤，补脑又可以好啱啲……（满意状）

晴：（电话收线，望向妈）拜拜。嗯？你讲咩？

妈：我话，（放慢）煲汤俾你饮。

晴：哦，好呀！几时呀？我睇下得唔得闲先！

妈：听日嘛！

晴：听日？我唔得闲啲，啱啱约左friend。

妈：（望到电话，恍然大悟）哦，你……啱啱系讲紧电话啊？

晴：系呀。

妈：（失望）哦！咁你下次得闲返黎食饭，我先煲汤俾你饮啦。

晴：好呀。

（妈继续打扫，突然胸口痛，手掩心口，跌坐在沙发上。晴不察觉，在玩电话。）